

Rumantsch è ina lingua naziunala, ma ina lingua parzialmain uffiziala da la Confederaziun, numnadama en la correspunderza cun persunas da lingua rumantscha. La translaziun d'in decret federal serva a l'infurmaziun, n'ha dentant nagina validat legala.

Ordinaziun davart la furmaziun professiunala (OFPr)

dals 19 da november 2003 (versiun dal 1. da schaner 2018)

*Il Cussegl federal svizzer,
sa basond sin l'artitgel 65 alinea 1 da la Lescha federala dals 13 da december 2002¹
davart la furmaziun professiunala (LFPr),
ordinescha:*

1. chapitel Disposiziuns generalas

Art. 1 Collavuraziun (art. 1 LFPr)

¹ La collavuraziun da la Confederaziun, dals chantuns e da las organisaziuns dal mund da lavour en la furmaziun professiunala serva a dar a las emprendistas ed als emprendists ina buna qualificaziun ch'è cumparegliabla en tut la Svizra e ch'è orientada al martgà da lavour.

2 La Confederaziun collaura per regla cun organisaziuns dal mund da lavour naziunales ch'èn activas en tut la Svizra. Sch'i na dat nagina organisaziun dal mund da lavour en in tschert sectur da la furmaziun professiunala, consultescha l'autoritat federala:

- a. organisaziuns ch'èn activas en in sectur cumparegliabel da la furmaziun professiunala; u
- b. organisaziuns ch'èn activas sin plaun regiunal en il sectur respectiv da la furmaziun professiunala, ed ils chantuns interessads.

Art. 2 Perscrutaziun davart la furmazion professiunala
 (art. 4 LFPr)

¹ Il Secretariat da stadi per furmazion, retschertga ed innovazion (SEFRI)² promova la perscrutaziun svizra davart la furmazion professiunala, fin ch'ina infrastructura duraivla areguard il persunal e l'organisaziun ha cuntanschi il nivel scientific che vegg renconuschì sin plau internaziunal.

² Diesch onns suenter l'entrada en vigur da questa ordinaziun examinescha la Confederaziun, sche la perscrutaziun davart la furmazion professiunala po vegin integrada en las structuras naziunalas existentas da la promozion da la perscrutaziun sco in sectur da la perscrutaziun ordinaria da la furmazion.

³ La perscrutaziun davart la furmazion professiunala che vegg promovida da la Confederaziun è accordada cun la perscrutaziun da la furmazion en general e cun il program da la statistica da furmazion sco er cun l'economia e cun il mund da lavur.

Art. 3 Svilup da la qualitat
 (art. 8 LFPr)

¹ Il SEFRI fa ina glista cun las metodas per il svilup da la qualitat en il singuls secturs da la furmazion professiunala. Questa glista vegg repassada periodicamain.

² Ils purschiders da la furmazion professiunala pon eleger libramain tranter las metodas da svilup da la qualitat che vegnan menziunadas sin la glista. Ils chantuns pon prescriver ina metoda per ils purschiders da dretg public.

³ Ils standards da qualitat che vegnan fixads dal SEFRI ston cuntentatar las pretensiuns actualas e tegnair quint dals basegns da las differentas purschidas.

Art. 4 Resguardar prestaziuns da furmazion ch'èn gia vegnidas furnidas
 (art. 9 al. 2 LFPr)

¹ Per resguardar prestaziuns da furmazion ch'èn gia vegnidas furnidas, decidan:

- a. l'autoritat chantunala, sch'i vegn scursanida individualmain ina furmazion che fa part d'ina furmazion fundamentala organisada dal manaschi;
- b. ils purschiders cumpetents, sch'i dat reducziuns individualas d'autras furmaziuns;
- c. ils organs cumpetents, en cas d'admissiun a proceduras da qualificaziun.

² Ils chantuns procuran per posts da consultaziun che gidan las personas a cumpliar mussaments da qualificaziun per qualificaziuns ch'èn vegnidas acquiridas ordaifer las furmaziuns usitadas, tras experientschas praticas professiunalas u extraprofessiunalas. La cumpilaziun serva sco basa da decisiu per metter a quint las prestaziuns tenor l'alinea 1.

³ Ils posts da contact collavuran cun las organisaziuns dal mund da lavur e consulte-schan personas spezialisadas externas.

² Designaziun da l'unitat administrativa tenor l'al. 3 da l'art. 16 da l'O da publicaziun dals 17 da nov. 2004 (AS 2004 4937), adattada per il 1. da schan. 2013. Questa adattaziun è vegnida fatga en tut il text.

Art. 5 Purschiders privats
(art. 11 LFPr)

Cun fixar ina purschida confirma als basegns da scolas professiunalas spezialisadas e da curs intermanaschials resguardan ils chantuns en spezial purschidas privatas ch'èn gratuitas per las emprendistas e per ils emprendists.

2. chapitel Furmaziun fundamentala professiunala
1. part Disposiziuns generalas

Art. 6 Noziuns

En execuziun da la LFPr u per la cumplettar signifitga:

- a. furmaziun fundamentala en in manaschi: furmaziun fundamentala che ha lieu principalmain en in manaschi d'emprendissadi u en ina cuminanza da manaschis d'emprendissadi;
- b. furmaziun fundamentala en scola: furmaziun fundamentala che ha lieu principalmain en ina instituziun da scola, particularmain en in laveratori d'emprendissadi u en ina scola media commerziale;
- c. cuminanza da manaschis d'emprendissadi: concentrasiun da plirs manaschis cun l'intent da garantir a las emprendistas ed als emprendists ina furmaziun pratica professiunala generala en differents manaschis spezialisads;
- d. praticum: furmaziun pratica professiunala ch'è integrada en ina furmaziun fundamentala en scola e che vegn absolvita ordaifer la scola.

Art. 7 Preparaziun per la furmaziun fundamentala professiunala
(art. 12 LFPr)

¹ Sco preparaziun per la furmaziun fundamentala professiunala valan purschidas che sa refereschan a la pratica ed al mund da laver, che suondan il temp da scola obligatoric e che cumpletteschan il program da la scola obligatorica a regard las pretensiuns da la furmaziun fundamentala professiunala.

² Las purschidas da preparaziun per la furmaziun professiunala duran maximalmain in onn e vegnan accordadas temporalmain cun l'onn da scola.

³ Ellas vegnan terminadas cun in giudicament.

Art. 8 Contract d'emprendissadi
(art. 14 e 18 al. 1 LFPr)

¹ Sch'in contract d'emprendissadi tenor l'artitgel 14 alinea 2 seconda frasa LFPr vegn concludi mo per ina part da la furmaziun, ston tut ils contracts per las singulas parts da la furmaziun vegnir suttascrits ed approvads da las autoritads chantunalias fin il cumentzament da l'emprendissadi.

² Sche la furmaziun fundamentala ha lieu en ina cuminanza da manaschis d'emprendissadi, fa il manaschi principal u l'organisazion principala in contract cun l'emprendista u cun l'emprendist.

³ Il temp d'emprova cumenza cun il cumenzament da la furmaziun fundamentala sut il contract d'emprendissadi correspondent. Sch'i vegn concludi in contract d'emprendissadi tenor l'alinea 1 mo per ina part da la furmaziun, dura il temp d'emprova per questa part per regla 1 mais.

⁴ Las disposiziuns davart il contract d'emprendissadi valan per furmaziuns fundamentalas en in manaschi er, sche talas cumenzan cun ina part da scola pli lunga. L'autoritat chantunala po prevair excepcions, sch'ella garantescha a l'emprendista u a l'emprendist, ch'ella u ch'el po absolver ina furmaziun fundamentala cumpletta suenter la part da scola.

⁵ Il manaschi d'emprendissadi u la cuminanza da manaschis d'emprendissadi inol-trescha il contract d'emprendissadi suttascrit a l'autoritat chantunala per l'approvazion avant il cumenzament da la furmaziun fundamentala.

⁶ Las parts contrahentas utiliseschan formulars da contract ch'ils chantuns mettan a disposiziun. Il SEFRI garantescha ch'ils formulars èn unitars en tut la Svizra.

⁷ Suenter avair tadlà las partidas dal contract d'emprendissadi e la scola professiunala spezialisada decida l'autoritat chantunala davart las cunvegnes contractualas da prolongazion u da reducziun da la durada da la furmaziun tenor l'artitgel 18 alinea 1 LFPr.

Art. 9 Lieu da la furmaziun fundamentala organisada dal manaschi

(art. 16 al. 2 lit. a LFPr)

¹ Sco lieu d'ina furmaziun fundamentala organisada dal manaschi vala quel lieu, nua ch'i vegn realisada la gronda part da la furmaziun fundamentala organisada dal manaschi.

² Sche la sedia da la firma ed il manaschi d'emprendissadi sa chattan en differents chantuns, vegn considerà sco decisiv il lieu, nua ch'il manaschi d'emprendissadi sa chatta.

³ En cas d'ina cuminanza da manaschis d'emprendissadi è decisiv il lieu, nua ch'il manaschi principal u nua che l'organisazion principala sa chattan.

⁴ Sche las autoritads chantunalas na pon betg sa cunvegnir davart il lieu da la furmaziun fundamentala organisada dal manaschi, decida il SEFRI.

Art. 10 Pretensiuns spezialas a la furmaziun fundamentala da dus onns

(art. 17 al. 2 e 18 al. 2 LFPr)

¹ La furmaziun fundamentala da dus onns intermediescha – en cumparegliazion cun las furmaziuns fundamentalas da traies e da quatter onns – qualificaziuns professiunalas specificas e pli simplas. Ella tegna quint da las premissas individualas dals emprendists cun ina purschida d'emprender spezialmain differenziada e cun ina didactica adattada.

² Las ordinaziuns da furmaziun resguardan en la furmaziun fundamentala da dus onns ina midada posteriura en ina furmaziun fundamentala da trais u da quatter onns.

³ La furmaziun fundamentala da dus onns po vegnir reducida u prolongada per maximalmain in onn.

⁴ Sch'il success da la furmaziun d'ina persuna è periclità, decida l'autoritat chantunala – suenter avair tadlà l'emprendista u l'emprendist ed il purschider da la furmaziun – sch'i duai vegnir dà a quella persuna in accumpagnament individual spezialisà.

⁵ L'accumpagnament individual spezialisà na cumpiglia betg mo aspects da scola, mabain tut ils aspects ch'èn relevantes per la furmaziun e che fan part da l'ambient da l'emprendista u da l'emprendist.

Art. 11 Surveglianza

(art. 24 LFPr)

¹ L'autoritat chantunala refusa u revochescha la permissiun per la furmaziun, sche la furmaziun pratica professiunala è insuffizienta, sche furmaturas e furmaturs professiunals n'adempleschan betg las premissas legalas u violeschan lur obligaziun.

² Sch'il success da la furmaziun fundamentala è mess en dumonda, prenda l'autoritat chantunala – suenter avair tadlà las persunas participadas – las mesiras necessarias per intermediar a l'emprendista u a l'emprendist sche pussaivel ina furmaziun fundamentala che correspunda a sias abilitads ed a sias inclinaziuns.

³ En cas da basegn recumonda l'autoritat chantunala a las parts contrahentas d'adattar il contract d'emprendissadi, u gida l'emprendista u l'emprendist a tschertgar in'autra furmaziun fundamentala professiunala u in auter lieu da furmaziun.

2. part Ordinaziuns da furmaziun

Art. 12 Cuntegns

(art. 19 LFPr)

¹ Ultra dals objects tenor l'artitgel 19 alinea 2 LFPr reglan las ordinaziuns da la furmaziun fundamentala professiunala:

- a. las cundiziuns d'admissiun;
- b. las furmas d'organisazion pussaivlas da la furmaziun areguard l'intermediaziun da la materia ed areguard la madirezza persunala ch'è necessaria per exercitar in'activitatd;
- c. ils instruments per promover la qualitat da la furmaziun, sco plans da furmaziun ed auters instruments ch'èn colliads cun quai;
- d. eventualas particularitads regionalas;
- e. las mesiras per la segirezza da l'avur e per la protecziun da la sanadad;

- f. las pretensiuns dal cuntegn e da l'organisaziun a l'intermediaziun da la pratica professiunala en ina instituziun da scola en il senn da l'artitgel 6 litera b;
- g. l'organisaziun, la durada e la materia d'instrucziun dals curs intermanaschials e d'auters lieus da furmazion cumparegliabels sco er lur coordinaziun cun la furmazion da scola.

^{1bis} Ellas reglan ultra da quai la cumposiziun e las incumbensas da las cumissiuns svizras per il svilup e la qualitat professiunala da las professiuns respectivas. Las cumissiuns ston esser cumponidas en maniera ch'igl è garanti che:

- a. la Confederaziun saja represchentada;
- b. las regiuns linguisticas sajan represchentadas adequatamain.³

^{1ter} Las cumissiuns tenor l'alinea 1^{bis} n'èn betg cumissiuns extraparlamentaras en il senn da l'artitgel 57a da la Lescha dals 21 da mars 1997⁴ davart l'organisaziun da la regenza e da l'administratzion. Ellas vegnan instituidas da las organisaziuns da lavur. Lur commembres vegnan er pajads da questas organisaziuns.⁵

² Per regla sto vegnir previsa l'instrucziun d'ina seconda lingua. Quella duai vegnir reglada tenor ils basegns da la furmazion fundamentala respectiva.

³ Prescripziuns da furmazion che divergeschan dals artitgels 47, 48 litera b e 49 da la Lescha da lavur dals 13 da mars 1964⁶, basegnan il consentiment dal secretariat da stadi per l'economia.

⁴ Las ordinaziuns da furmazion pon prevair proceduras da promozion. Talas resguardan la furmazion a la pratica professiunala e la furmazion da scola.

⁵ ...⁷

⁶ Prescripziuns da furmazion davart scolaziuns renconuschidas en protecziun cunter radiaziuns tenor l'Ordinaziun dals 26 d'avrigl 2017⁸ davart la protecziun cunter radiaziuns basegnan il consentiment da l'Uffizi federal da sanadad publica.⁹

Art. 13 Dumonda e decret

(art. 19 al. 1 LFPr)

¹ Las organisaziuns dal mund da lavur en il senn da l'artitgel 1 alinea 2 pon far la dumonda da decretar in'ordinaziun da furmazion.

² La dumonda sto vegnir inoltrada, cun ina motivaziun en scrit, al SEFRI.

³ Integrà tras la cifra I 6.3 da l'O dals 9 da nov. 2011 (examinaziun da las cumissiuns extraparlamentaras), en vigur dapi il 1. da schan. 2012 (AS **2011** 5227).

⁴ SR **172.010**

⁵ Integrà tras la cifra I 6.3 da l'O dals 9 da nov. 2011 (examinaziun da las cumissiuns extraparlamentaras), en vigur dapi il 1. da schan. 2012 (AS **2011** 5227).

⁶ SR **822.11**

⁷ Aboli tras la cifra 3 da l'artitgel 82 da l'O davart la promozion dal sport dals 23 da matg 2012, cun effect dapi il 1. d'oct. 2012 (AS **2012** 3967).

⁸ SR **814.501**

⁹ Integrà tras la cifra II 1 da l'O dals 24 d'oct. 2007 (AS **2007** 5651). Versiun tenor la cifra I da l'agiunta 11 da l'O dals 26 d'avr. 2017 davart la protecziun cunter radiaziuns, en vigur dapi il 1. da schan. 2018 (AS **2017** 4261).

³ La concepziun e l'entrada en vigur da las ordinaziuns da furmaziun tras il SEFRI premetta la cooperaziun dals chantuns e da las organisaziuns dal mund da lavour.

⁴ Il SEFRI garantescha la coordinaziun cun e tranter ils circuls interessads ed ils chantuns. Sch'els n'arrivan betg da sa cunvegnir, decida il SEFRI resguardond il niz general per la furmaziun professiunala ed eventuels reglaments cun ils partenaris socials.

3. part Furmaziun pratica professiunala

Art. 14 Cuminanza da manaschis d'emprendissadi (art. 16 al. 2 lit. a LFPr)

¹ Ils manaschis ch'en participads ad ina cuminanza da manaschis d'emprendissadi reglan lur cumpetenzas e lur responsabladdads en in contract en scrit.

² Els numnan in manaschi principal u in'organisaziun principala che conclude il contract d'emprendissadi e che represchenta la cuminanza vers anora.

³ La permissiun da furmaziun per la cuminanza da manaschis d'emprendissadi vegn dada al manaschi principal u a l'organisaziun principala.

Art. 15 Praticums (art. 16 al. 1 lit. a ed al. 2 lit. a LFPr)

¹ Ils purschiders d'ina furmaziun fundamentala da scola procuran per ina purschida da plazzas da praticum che correspunda al dumber d'emprendistas e d'emprendists. La scola cumprova quai visavi l'autoritad da surveglianza.

² Ils purschiders da la furmaziun fundamentala da scola èn responsabels per la qualitat dal praticum visavi las autoritads da surveglianza.

³ Il purschider da la furmaziun fundamentala da scola conclude in contract cun il purschider dal praticum. En quest contract s'oblighescha il purschider dal praticum d'intermediar la furmaziun pratica professiunala en ina moda confirma a las prescripcions ed eventualmain da pajar in salari a l'emprendista u a l'emprendist.

⁴ Il purschider dal praticum conclude in contract da praticum cun l'emprendista u cun l'emprendist. Quest contract basegna l'approvazion da l'autoritad da surveglianza, sch'il praticum dura pli ditg che sis mais.

Art. 16 Furmaziun pratica professiunala instruida en scola (art. 16 al. 2 lit. a LFPr)

Avant che dar ina permissiun per la furmaziun ad in'autra instituziun ch'è renconuschida per instruir la pratica professiunala, sclerescha il chantun – en collaurazion cun las organisaziuns dal mund da lavour cumpetentas – en spezial, sche la relaziun cun il mund da lavour è garantida.

4. part Furmazion da scola

Art. 17 Scola professiunala spezialisada (art. 21 LFPr)

¹ En cunvegna cun las organisaziuns dal mund da laver cumpetentas reunescha la scola professiunala spezialisada las furmaziuns fundamentalas ad unitads coerentas. Ella resguarda il connex tematic da las activitads professiunales e las particularitads dals emprendists.

² La scola professiunala spezialisada inditgescha las persunas da contact per las emprendists e per ils emprendists ed, eventualmain, per lur manaschi d'emprendissadi.

³ Sche las prestaziuns da scola mettan en dumonda il success da la furmazion fundamentala organisada dal manaschi u sch'il cumportament da l'emprendista u da l'emprendist è insuffizient, entra la scola professiunala spezialisada en contact cun il manaschi d'emprendissadi. L'emprim taidla ella l'emprendista u l'emprendist.

Art. 18 Furmazion obligatorica da scola (art. 21 LFPr)

¹ La furmazion obligatorica da scola sto vegnir dada almain en dis entirs per las emprendists e per ils emprendists che absolvan lur furmazion pratica professiunala en in manaschi. Sch'ella dura pli ditg ch'in di per emna, sto vegnir dada er la part restanta en in unic bloc.

² In di da scola na dastga betg cumpligiar dapli che nov lecziuns, inclusiv ils curs facultatifs ed ils curs da sustegn.

³ La scola professiunala spezialisada decida davart las dumondas da dispensaziun da la furmazion obligatorica da scola. En cas che la dispensaziun ha er consequenzas per la procedura da qualificaziun, decida 'autoritat chantunala.

Art. 19 Furmazion generala (art. 15 al. 2 lit. b LFPr)

¹ Il SEFRI decretescha prescripziuns minimalas per la furmazion generala che vegn instruida en il rom da las furmaziuns fundamentalas da dus, traiss e quatter onns.

² Las prescripziuns minimalas vegnan concretisadas en in plan d'instrucziun general federal u, en cas da basegns spezials, en las ordinaziuns da furmazion.

Art. 20 Curs facultatifs e curs da sustegn (art. 22 al. 3 e 4 LFPr)

¹ Ils curs facultatifs ed ils curs da sustegn da la scola professiunala spezialisada ston vegnir organisads uschia, ch'igl è pussaivel d'als frequentar senza pregiuditgar memia fitg la furmazion pratica professiunala. Durant il temp da scola na dastga lur dimensiun betg surpassar en media in mez di per emna.

² La necessitat da frequentar ils curs da sustegn vegn examinada periodicamain.

³ Sche las prestaziuns u sch'il cumportament en la scola professiunala spezialisada u en il manaschi d'emprendissadi èn insufficients, excluda la scola – en enclegentscha cun il manaschi d'emprendissadi – l'emprendista u l'emprendist da curs facultativs. En cas ch'ins na vegn betg perina, decida l'autoritat chantunala.

⁴ Las scolas professiunala spezialisadas procuran per ina purschida equilibrada da curs facultativs e da curs da sustegn. En spezial pussibiliteschan ellas curs facultativs da linguas.

5. part

Curs intermanaschials ed auters lieus da furmaziun cumparegliabels

(art. 23 LFPr)

Art. 21

¹ Ils chantuns sustegnan las organisaziuns dal mund da laver a constituir instituziuns responsablas per curs intermanaschials e per auters lieus da furmaziun cumparegliabels.

² La participaziun dals manaschis als custs che resultan da curs intermanaschials e d'auters lieus da furmaziun cumparegliabels na dastga betg surpassar ils custs cumplains.

³ Il manaschi d'emprendissadi porta ils custs che resultan per l'emprendista u per l'emprendist cun frequentar ils curs intermanaschials ed ils auters lieus da furmaziun cumparegliabels.

6. part

Maturitad professiunala federala

(art. 25 LFPr)

Art. 22¹⁰

La maturitad professiunala federala sa drizza tenor l'Ordinaziun dals 24 da zercladur 2009¹¹ davart la maturitad professiunala.

3. chapitel Furmaziun professiunala superiura

Art. 23

Disposiziuns generalas

(art. 27 LFPr)

¹ Sch'i vegnan purschidas ina maturitad professiunala federala ed in examen professiunal federal superiur en in sectur spezial, sa differenziescha l'examen profes-

¹⁰ Versiun tenor l'art. 35 al. 2 da l'O dals 24 da zer. 2009 davart la maturitad professiunala, en vigur dapi il 1. d'avust 2009 (AS 2009 3447).

¹¹ SR 412.103.1

siunal federal superiur da la maturitat professiunala federala tras pretensiuns pli grondas.

² Las qualificaziuns da la furmazion professiunala superiura vegnan accordadas cun ils standards internaziunals usitads.

Art. 24 **Instituziun responsabla**
 (art. 28 al. 2 LFPr)

¹ Las organisaziuns dal mund da laver en il senn da l'artitgel 1 alinea 2 pon dumanadar l'approvaziun d'in examen professiunal federal u in examen professiunal federal superiur.

² Ellas furman ina instituziun responsabla per metter a disposiziun e per realisar in examen professiunal federal u in examen professiunal federal superiur.

³ Las organisaziuns che pon cumprovar in connex cun l'examen correspondent, ston survegnir la pussaivladad da far part da l'instituziun responsabla.

⁴ L'instituziun responsabla fixescha ils dretgs e las obligaziuns da las organisaziuns participadas, e quai sin fundament da lur dimensiun e da lur capacitat economica.

Art. 25 Premissas per l'approvaziun dals examens professiunals federales e
 dals examens professiunals federales superiurs
 (art. 28 al. 3 LFPr)

¹ Entaifer ina branscha approvescha la Confederaziun per ina direcziun specifica mintgamai mo in examen professiunal federal e mo in examen professiunal federal superiur.

² El examinescha:

- a. sche l'examen è d'in interess public;
- b. sch'i na dat nagins conflicts cun la politica da furmazion u cun in autre interess public;
- c. sche l'instituziun responsabla è en cas da garantir ina purschida naziunala a pli lunga vista;
- d. sch'il cuntegn da l'examen s'orientescha a las qualificaziuns ch'en necessarias per pratigar questas activitads professiunals;
- e. sch'il titel previs è cler, n'è betg confus e po vegnir distinguì d'auters titels.

Art. 26 Procedura d'approvaziun
 (art. 28 al. 3 LFPr)

¹ L'instituziun responsabla inoltrescha al SEFRI la dumonda d'approvar in urden d'examen.

² Il SEFRI coordinescha il cuntegn dals urdens d'examen en las professiuns parentadas.

³ El po disponer la fusiun d'examens che han in sectur spezial sumegliant ed ina direcziun sumeglianta.

⁴ Sche la dumonda ademplescha las premissas, communityescha il SEFRI en il Fegl uffizial federal l'inoltrazion da l'urden d'examen e fixescha in termin da protesta da 30 dis.

⁵ Las protestas ston vegnir inoltradas al SEFRI en scrit e cun ina motivaziun.

Art. 27 **Surveglianza**
(art. 28 al. 2 e 3 LFPr)

Sch'ina instituzion responsabla n'observa betg l'urden d'examen malgrà ina admoniziun, po il SEFRI surdar l'examen ad in'autra instituzion responsabla u revocar l'approvaziun da l'urden d'examen.

Art. 28 **Scolas spezialisadas superiuras**
(art. 29 al. 3 LFPr)

Las scolas spezialisadas superiuras vegnan regladas en in'ordinaziun dal Departament federal d'economia, furmaziun e retschertga (DEFR)¹² davart las furmaziuns a las scolas spezialisadas superiuras.

Art. 28a¹³ Cumissiun federala per las scolas spezialisadas superiuras

¹ I vegn instituida la Cumissiun federala per las scolas spezialisadas superiuras.

² En la cumissiun èn represchentads las organisaziuns da branscha, ils purschiders da furmaziun, ils chantuns e la Confederaziun.

³ Il SEFRI maina il secretariat da la cumissiun.

⁴ La cumissiun cussegli il SEFRI en dumondas da la renconuschientscha da scolaziuns e da studis supplementars ad in diplom da las scolas spezialisadas superiuras.

4. chapitel Furmaziun supplementara orientada a la professiun
(art. 32 LFPr)

Art. 29

¹ La Confederaziun sa participescha a mesiras che han la finamira da promover – sin plau naizunal u entaifer ina regiun linguistica – la coordinaziun, la qualitat e la transparenza da la purschida da la furmaziun supplementara orientada a la professiun.

¹² Designaziun da l'unitad administrativa tenor l'al. 3 da l'art. 16 da l'O da publicaziun dals 17 da nov. 2004 (AS 2004 4937), adattada per il 1. da schan. 2013. Questa adattaziun è vegnida fatga en tut il text.

¹³ Integrà tras la cifra I da l'O dals 15 da sett. 2017, en vigur dapi il 1. da schan. 2018 (AS 2017 5147).

² Las structuras e las purschidas da la furmazion professiunala che vegnan finanziadas dal maun public stattan a disposizion, uschenavant che quai è pussaivel, per mesiras dal martgà da laver tenor la Lescha dals 25 da zercladur 1982¹⁴ davart l'assicuranza cunter la dischoccupaziun.

5. chapitel Procedura da qualificaziun, attestats e titels

Art. 30 Pretensiuns a las proceduras da qualificaziun (art. 33 e 34 al. 1 LFPr)

¹ Per las proceduras da qualificaziun valan las suandardas pretensiuns:

- a. ellas sa drizzan tenor las finamiras da qualificaziun dals decrets da furmazion decisivs;
- b. ellas valiteschan ed accentueschan en ina moda equilibrada las parts a bucca, en scrit e praticas tegnend quind da las particularitads dal champ da qualificaziun correspondent e resguardan las notas d'experiéntscha da la scola e da la pratica;
- c. ellas applitgeschan proceduras adequatas e confurmas a la gruppera en mira per constatar las qualificaziuns che ston vegnir validadas.

² La constataziun d'ina qualificaziun per dar in attestat u in titel vegn fatga sin fundament d'ina procedura d'examen definitiva ed interdisciplinara u d'ina procedura equivalenta.

Art. 31 Autras proceduras da qualificaziun (art. 33 LFPr)

¹ Autras proceduras da qualificaziun èn proceduras che n'èn per regla betg fixadas en decrets da furmaziun, ch'èn dentant adattadas per constatar las qualificaziuns necessarias.

² Las proceduras da qualificaziun tenor l'alinea 1 pon vegnir standardisadas per gruppas spezialas da persunas e pon vegnir regladas en ils decrets da furmaziun decisivs.

Art. 32 Premissas d'admissiun spezialas (art. 34 al. 2 LFPr)

Sche las qualificaziuns èn vegnidas acquiridas ordaifer ina furmaziun regulara, permetta l'admissiun a la procedura da qualificaziun in'expérientscha professiunala d'almain tschintg onns.

¹⁴ SR 837.0

Art. 33 Repetiziuns da proceduras da qualificaziun

- 1 Igl è pussaivel da repeter maximalmain duas giadas la procedura da qualificaziun. Parts ch'en reussidas gia pli baud na ston betg pli vegin repetidas. Ils decrets da furmaziun pon fixar pretensiuns pli rigurasas concernent l'obligaziun da repetiziun.
- 2 Ils termins per la repetiziun vegin fixads uschia, ch'i na resultan nagins custs supplementars sproporziunads per ils organs cumpetents.

Art. 34 Valitaziun

(art. 34 al. 1 LFPr)

- 1 Las prestaziuns en las proceduras da qualificaziun vegin exprimidas en notas entiras u en mesas notas. 6 è la meglia nota, 1 è la mendra nota. Notas sut 4 representant prestaziuns insuffisientes.
- 2 Autras notas che mesas notas èn permessas mo per las medias che resultan da las valitaziuns da singulas posiziuns dals decrets da furmaziun correspondents. Las medias vegin arrundadas a maximalmain ina cifra suenter il comma.
- 3 Ils decrets da furmaziun pon prevair auters sistems da valitaziun.

Art. 35 Examens finals da la furmaziun fundamentala professiunala

(art. 17 LFPr)

- 1 Per realisar ils examens finals da la furmaziun fundamentala professiunala nomescha l'autoritat chantunala expertas ed experts da l'examen. Las organisaziuns cumpetentas dal mund da laver han il dretg da far propostas.
- 2 Ils experts da l'examen fixeschan en scrit ils resultats da l'examen sco er lur observaziuns durant la procedura da qualificaziun, inclusiv las objecziuns dals candidats.
- 3 Sch'ina candidata u in candidat basegna, pervia d'in impediment, meds auxiliars spezials u dapli temp, al vegn quai concedì adequatamain.
- 4 En roms cun ina instrucziun bilingua po l'examen avair lieu totalmain u parzialmain en la segunda lingua.
- 5 Ils organs ch'en cumpetents per realisar ils examens finals decidan tras ina disposiziun, sch'els concedan in attestat federal da qualificaziun u in attest federal da furmaziun professiunala.

Art. 36 Examens professiunals federais ed examens professiunals federais superieurs

(art. 43 al. 1 e 2 LFPr)

- 1 L'organ ch'è cumpetent per l'examen professiunal federal u per l'examen professiunal federal superior decidea cun ina disposiziun davart l'admissiun a la procedura da qualificaziun e davart la concessiun dal certificat professiunal u dal diplom.
- 2 Ils certificats professiunals ed ils diploms vegin emess dal SEFRI. Ils absolvents pon tscherner, en tge lingua uffiziala che lur certificat vegn emess.

³ Ils certificats professiunals ed ils diploms vegnan suttascrits dal president da l'organ ch'è cumpetent per la procedura da qualificaziun e d'in commember da la direcziun dal SEFRI.¹⁵

Art. 37 Registers

(art. 43 al. 3 LFPr)

¹ Il register dal SEFRI davart ils certificats professiunals federales e davart ils diploms cuntegna las suandardas datas:

- a. num e prenum;
- b. data da naschientscha;
- c. lieu da burgais (tar persunas ch'èn burgaisas da la Svizra) u naziunalidad (tar persunas ch'èn burgaisas da l'exterior);
- d. domicil il mument da l'examen;
- e. onn da l'examen.

² Il SEFRI po publitgar las datas tenor l'alinea 1 literas a, d ed e sco er l'onn da naschientscha dal titular da l'attestat en ina moda adequata.

³ Avant che publitgar las datas tenor l'alinea 2 dumonda el il consentiment da la persona pertutgada. Senza inditgar motivs po quella refusar il consentiment u al revocar posteriuramain.

Art. 38 Glista dals titels e da las professiuns

(art. 19 al. 2 lit. e, 28 al. 2 e 29 al. 3 LFPr)¹⁶

¹ Il SEFRI publitgescha en furma electronica ina glista¹⁷:

- a. dals titels protegids da las furmaziuns fundamentalas professiunals e da las furmaziuns professiunals superiuras en las trais linguis uffizialas da la Confederaziun; supplementarmain po el agiuntar las denominaziuns englai-sas, sche quellas èn univocas sin nivel internaziunal;
- b. dals partenaris da la furmaziun professiunala ch'èn attribuids als titels prote-gids respectivs.¹⁸

² Sin dumonda dal titular da l'attestat emetta il SEFRI in document cun ina descripcziun englaisa dal cuntegn da la furmaziun u da la qualificaziun professiunala. . .¹⁹

¹⁵ Versiun tenor la cifra I da l'O dals 15 da sett. 2017, en vigur dapi il 1. da schan. 2018 (AS 2017 5147).

¹⁶ Versiun tenor la cifra I da l'O dals 15 da sett. 2017, en vigur dapi il 1. da schan. 2018 (AS 2017 5147).

¹⁷ La glista po vegnir consultada sut: www.bvz.admin.ch

¹⁸ Versiun tenor la cifra I da l'O dals 15 da sett. 2017, en vigur dapi il 1. da schan. 2018 (AS 2017 5147).

¹⁹ Aboli la frasa tras la cifra 2 da l'agiunta da l'urden da taxas dal UFFT dals 16 da zer. 2006, cun effect dapi il 1. d'avust 2006 (AS 2006 2639).

Art. 39 **Participaziun als custs**
(art. 41 LFPr)

¹ Ils custs da material e da locazion na fan betg part da las taxas d'examen tenor l'artitgel 41 LFPr e dastgan vegnir mess a quint totalmain u parzialmain als purschiders da la furmaziun pratica professiunala.

² En cas da proceduras da qualificaziun da persunas che n'absolvan betg ina furmaziun fundamentala professiunala po l'autoritat metter a quint totalmain u parzialmain a las candidatas ed als candidats il material necessari ed eventuais custs che resultan supplementarmain.

³ La reglamentaziun da la participaziun als custs per las proceduras da qualificaziun da persunas che n'absolvan betg la furmaziun fundamentala professiunala basegna il consentiment dal SEFRI, sche las proceduras da qualificaziun na vegnan betg realisadas sin plau chantunal.

⁴ Las entradas or da las indemnisiuzions per ils examens professiunals federais e per ils examens professiunals federais superiurs na dastgan betg surpassar ils custs cumplains da l'instituzion responsabla, ils quals vegnan calculads en ina media da sis onns, resguardond la constituzion d'ina reserva adequata.

6. chapitel **Persunas responsablas per la furmaziun professiunala****1. part** **Disposiziuns generalas****Art. 40** **Persunas responsablas per la furmaziun fundamentala professiunala**
(art. 45 al. 3 e 46 al. 2 LFPr)

¹ Tgi che instruescha en la pratica u en scola la furmaziun fundamentala professiunala, sto avair ina furmaziun che correspunda a las pretensiuns minimalas tenor ils artitgels 44 fin 47. Questa furmaziun vegn cumprovada:

- a. cun in diplom federal u cun in diplom renconuschi da la Confederaziun; u
- b. per fumaturas e per fumaturas professiunals che han frequentà in curs da 40 uras, cun in certificat da curs.

² Tgi che n'ademplescha betg las pretensiuns minimalas gia al cumenzament da sia activitat, sto acquirir las qualificaziuns correspondentes entaifer tschint onns.

³ Davart equivalenzas en la qualificaziun da singulas persunas responsablas per la furmaziun professiunala decida l'autoritat chantunala suenter avair consultà ils purschiders da furmaziun correspondents.

⁴ Per la furmaziun en tschartas professiuns pon vegnir fatgas pretensiuns che surpassan las pretensiuns minimalas da questa ordinaziun. Questas pretensiuns èn fixadas en las ordinaziuns da furmaziun decisivas.

Art. 41 Persunas d'instrucziun en la furmazion professiunala superiura
 (art. 29 al. 3 e 46 al. 2 LFPr)

Il departament fixescha las pretensiuns minimalas per persunas d'instrucziun en scolas spezialisadas superiuras.

Art. 42 Uras d'emprender

¹ Las uras d'emprender cumpigliant uras da preschientscha, il temp impundi en media per il studi persunal, la laver individuala u en gruppera, ulteriuras occurrentzas en il rom da la furmazion, las controllas da las enconuschiantschas e las proceduras da qualificaziun, l'exercizi e la realisaziun da las enconuschiantschas acquiridas en la pratica ed en ils praticums accumpagnads.

² Las uras d'emprender pon vegnir exprimidas en unitads dals sistems usitads da puncts da credit; ils rests che resultan vegnan arrundads sin la proxima unitad.

Art. 43 Furmazion supplementara
 (art. 45 LFPr)

La furmazion supplementara da las persunas responsablas per la furmazion professiunala è object da las mesiras che servan a sviluppar la qualitat tenor l'artitgel 8 LFPr.

2. part Pretensiuns minimalas per l'instrucziun pratica e da scola

Art. 44 Furtmaturas e furtmators professiunals en manaschis d'emprendissadi
 (art. 45 LFPr)

¹ Furtmaturas e furtmators professiunals en manaschis d'emprendissadi han:

- a. in attestat federal da qualificaziun sin il champ ch'els instrueschan u ina qualificaziun equivalenta;
- b. ina pratica professiunala da dus onns en il champ d'instrucziun;
- c. ina qualificaziun pedagogica che correspunda a 100 uras d'emprender.

² En plazza da las uras d'emprender tenor l'alinea 1 litera c pon star 40 uras da curs. Las uras da curs vegnan confermadas cun in certificat da curs.

Art. 45 Autras furtmaturas ed auters furtmators professiunals
 (art. 45 LFPr)

Furtmaturas e furtmators da la professiun en curs intermanaschials ed en auters lieus da furmazion cumparegliabels sco er en lavuratoris d'emprendissadi ed en otras instituziuns renonuschidas per la furmazion pratica professiunala ston avair:

- a. in diplom da la furmazion professiunala superiura u ina qualificaziun equivalenta en il champ d'instrucziun;
- b. ina pratica professiunala da dus onns en il champ d'instrucziun;

- c. ina furmaziun pedagogica da:
 - 1. 600 uras d'emprender, en cas d'ina activitat professiunala,
 - 2. 300 uras d'emprender, en cas d'ina activitat professiunala.

Art. 46 Persunas d'instrucziun per la furmaziun fundamentala en scola e per la maturitat professiunala
 (art. 46 LFPr)

¹ Las persunas d'instrucziun per la furmaziun fundamentala en scola e per la maturitat professiunala han ina qualificazion per instruir al stgalim secundar II cun las suandardas qualificaziuns:

- a. furmaziun pedagogica al stgalim da scola auta;
- b. furmaziun spezialisada cun in diplom al stgalim terziar;
- c. experientscha da sis mais en in manaschi.

² La qualificazion per instruir ils roms specifics da las professiuns premetta:

- a. in diplom correspondent da la furmaziun professiunala superiura u d'ina scola auta;
- b. ina furmaziun pedagogica da:
 - 1. 1800 uras d'emprender en cas d'ina activitat a temp cumplain,
 - 2. 300 uras d'emprender en cas d'ina activitat en uffizi accessoric.

³ Per instruir la furmaziun generala u roms che premettan in studi en ina scola auta ësi necessari:

- a. d'avair ina qualificazion per instruir a la scola obligatorica, cumplettada cun ina qualificazion supplementara per la furmaziun generala tenor il plan d'instrucziun correspondent seo er cun ina furmaziun pedagogica da 300 uras d'emprender; u
- b. ina qualificazion per instruir al gimnasi, cumplettada cun ina furmaziun pedagogica da 300 uras d'emprender; u
- c. in studi correspondent ad ina scola auta, cumplettà cun ina furmaziun pedagogica da 1800 uras d'emprender.²⁰

Art. 47 Activitat da furmaziun en uffizi accessoric
 (art. 45 e 46 LFPr)

¹ In'activitat da furmaziun en uffizi accessoric exequeschon persunas cumplementarmain a lur activitat professiunala en il champ correspondent.

² L'activitat professiunala principala cumpiglia almain la mesadat dal temp da lavour per emna.

³ Tgi che instruescha en media damain che quatter uras per emna, na suttastat betg a las prescripziuns tenor ils artitgels 45 litera c e 46 alinea 2 litera b cifra 2.

²⁰ Versiun tenor la cifra 3 da l'artitgel 82 da l'O davart la promozion dal sport dals 23 da matg 2012, en vigur dapi il 1. d'oct. 2012 (AS 2012 3967).

3. part **Furmaziun pedagogica**

Art. 48 Cuntegns (art. 45 e 46 LFPr)

La furmaziun pedagogica da las persunas responsablas per la furmaziun professiunala parta da la situaziun al lieu d'emprendissadi ed al lieu da lavour. Ella cumpiglia ils sustants aspects:

- a. la furmaziun professiunala e ses context: il sistem da la furmaziun professiunala, la basa legala e las purschidas da cussegliazjun;
- b. l'emprendista u l'emprendist: socialisar ils giuvenils e las persunas creschidas en la vita professiunala dal manaschi, da la scola e da la societad;
- c. instruir ed emprender: planisar, realisar ed evaluar las activitads didacticas, sustegnair ed accumpagnar ils emprendists en lur process concret da furmaziun e d'emprender, evaluar e selecziunar entaifer l'entira paletta dals duns;
- d. realisar quai ch'ins ha emprendi en ils programs da scolaziun dal manaschi e da la scola;
- e. chapir la rolla da la persuna d'instruczion, mantegnair il contact cun il mund dal manaschi e da la scola, planisar l'atgna furmaziun supplementara;
- f. tractar cun las emprendistas e cun ils emprendists e collavurar cun lur representantas e cun lur represchentants legals sco er cun las autoritads, cun ils manaschis d'emprendissadi, cun la scola professiunala e cun auters lieus da furmaziun;
- g. temas generals sco la cultura da lavour, l'etica, dumondas da las schlattainas, la sanedad, la multiculturalitat, la persistenza, la segirezza a la plazza da lavour.

Art. 49 Plans d'instruczion generals (art. 45 e 46 LFPr)

¹ Il SEFRI statuescha plans d'instruczion generals per la qualificazion da las persunas responsablas per la furmaziun professiunala. Quests plans reglan las parts temporaras, la cumposizun dal cuntegn e la pratica d'approfondaziun tenor las pretensiuns respectivas per las persunas responsablas per la furmaziun professiunala.

² L'instituziun responsabla organisescha las furmaziuns. Questas furmaziuns cum-bineschan la cumpetenza professiunala cun la cumpetenza d'agir sin plaun pedagogic.

4. part Curs per las expertas e per ils experts da l'examen
(art. 47 LFPr)**Art. 50**

En collavuraziun cun ils chantuns e cun las organisaziuns dal mund da lavour ch'èn responsablas per la procedura da qualificaziun procura il SEFRI per ina purschida da curs per las expertas e per ils experts da l'examen ed envida ellas ed els a quests curs.

5. part Renconuschientscha federala da diploms e da certificats da curs**Art. 51 Cumpetenzas e dumonda**
(art. 45 e 46 LFPr)

¹ Davart la renconuschientscha federala dals diploms e dals certificats da curs da furmaziuns per las personas responsablas per la furmaziun fundamentala professiunala decidan:

- a. ils chantuns, sch'i sa tracta da furmaziuns per las furmaturas e per ils furmators professiunals en manaschis d'emprendissadi, cun excepziun da las furmaziuns sin plau naziunal;
- b. il SEFRI en cas da tut las otras furmaziuns ed en cas da furmaziuns sin plau naziunal per las furmaturas e per ils furmators professiunals en manaschis d'emprendissadi.

² A la dumonda da renconuschientscha ston vegnir agiuntads documents che fan indicaziuns davart:

- a. la purschida da prestaziuns;
- b. la qualificaziun da las personas d'instrucziun;
- c. la finanziaziun;
- d. il svilup da la qualitat.

Art. 52 Premissas per la renconuschientscha da diploms e da certificats da curs
(art. 45 e 46 LFPr)

Ils diploms ed ils certificats da curs vegnan renconuschids, sche:

- a. il program da furmaziun previs correspunda als plans d'instrucziun generals tenor l'artitgel 49;
- b. ina realisaziun irreproschabla è garantida.

6. part**Cumissiun federala per las persunas responsablas per la furmaziun professiunala****Art. 53** **Cumposiziun ed organisaziun**
(art. 45, 46 e 48 al. 1 LFPr)

¹ Il Cussegli federal nominescha ina cumissiun federala per las persunas responsablas per la furmaziun professiunala.²¹

² La cumissiun sa cumpona da nov fin indesch commembra e commembers. Questas persunas represchentan la Confederaziun, ils chantuns, las organisaziuns dal mund da laver e las instituziuns da furmaziun. Ils chantuns han il dretg da proponer trais commembra u commembers. Las regiuns linguisticas e las schlattainas ston vegnir resguardadas adequatamain.

³ La cumissiun s'organisescha sezza.

⁴ Il secretariat vegn manà dal SEFRI.

Art. 54 **Incumbensas**
(art. 45, 46 e 48 al. 1 LFPr)

¹ La cumissiun federala per las persunas responsablas per la furmaziun professiunala cusseglio il SEFRI ed al suttametta propostas en ils sustants secturs:

- a. coordinaziun e renconuschientscha dals diploms per las persunas responsablas per la furmaziun professiunala;
- b. nominaziun e surveglianza da las instituziuns che dattan diploms renconuschids da la Confederaziun.

² Davart dumondas da las persunas responsablas per la furmaziun professiunala po la cumissiun far recumandaziuns e suttametter ulteriuras propostas.

7. chapitel Cussegliaziun da professiun, da studi e da carriera**Art. 55** **Princips**
(art. 49 LFPr)

¹ La cussegliaziun da professiun, da studi e da carriera metta a disposiziun – ensemble cun partenaris – purschidas per preparar, per tscherner e per concepir la carriera professiunala.

² L'activitat d'infirmaziun ha lieu tras infirmaziuns generalas davart las purschidas da furmaziun sco er tras infirmaziuns e tras cussegliaziuns personalas.

²¹ Versiun tenor la cifra I 6.3 da l'O dals 9 da nov. 2011 (examinaziun da las cumissiuns extraparlamentaras), en vigur dapi il 1. da schan. 2012 (AS 2011 5227).

³ En la cussegliazion persunala vegn elavurada la basa che permetta a las persunas che tschertgan cussegli da prender decisiuns da professiun, da studi e da carriera tener lor capacitads ed interess sco er resguardond las pretensiuns dal mund da lavur.

Art. 56 Pretensiuns minimalas a furmaziuns per cussegliadras e per cussegliaders
(art. 50 LFPr)

¹ Furmaziuns spezialisadas per la cussegliazion da professiun, da studi e da carriera vegnan purschidas en ina scola auta u en ina instituziun renconuschida dal SEFRI.

² La furmaziun spezialisada cumpiglia:

- a. 600 uras d'emprender per studentas e per students cun in diplom d'ina scola auta respectivamain 1800 uras d'emprender per las ulteriuras studentas e per ils ulteriurs students;
- b. praticums supplementars da totalmain dudesch emnas.

³ Per l'instrucziun è necessari il diplom d'ina scola auta u il diplom d'ina instituziun renconuschida da la Confederazion en cussegliazion da professiun, da studi e da carriera sco er la cumprova da la competenza metodica-didactica.

⁴ Il SEFRI decida en il singul cas davart l'equivalenza d'auters diploms.

Art. 57 Cuntegns da la furmaziun
(art. 50 LFPr)

¹ La furmaziun spezialisada per la cussegliazion da professiun, da studi e da carriera cumpiglia ils sustants aspects:

- a. l'uman sco individi: psicologia dal svilup, da l'emprender e da la persunalidad;
- b. uman e societad: basa sociologica, giuridica ed economica;
- c. uman e lavur: sistem da furmaziun, tscherna da professiun e da studi, encounschientschas da la professiun, psicologia da lavur e martgà da lavur;
- d. metodas da lavur: cussegliazion, diagnostica, preparaziun da la tscherna da professiun, controllas dals resultats, documentaziun e lavur da publicitat;
- e. chapientscha da las incumbensas: etica professiunala, identidad professiunala, svilup da la qualitad.

² Ella tegna quint dals differents accents da la cussegliazion da juivenils, da la cussegliazion da studi, da la cussegliazion da carriera per persunas creschidas e da la cussegliazion da persunas cun impediments.

Art. 58 Admissiun a la procedura da qualificaziun ed als diploms
 (art. 50 LFPr)

¹ Davart l'admissiun a la procedura da qualificaziun decida l'instituzion da furmazion. Ella tegna er quint da las qualificaziuns ch'èn vegnidas acquiridas ordaifer sia atgna purschida da furmazion.

² Tgi che ha reussì la procedura da qualificaziun, survegn in diplom da l'instituzion da furmazion ed ha il dretg da purtar il titel da «cussegliadra diplomada da professiun, da studi e da carriera» respectivamain da «cussegliader diplomà da professiun, da studi e da carriera».

8. chapitel

Participaziun da la Confederaziun als custs da la furmazion professiunala; fond per la furmazion professiunala

1. part Disposiziuns communablas

Art. 59 Basa da calculaziun per la participaziun als custs da vart da la Confederaziun
 (art. 52 al. 1 e 59 al. 2 LFPr)

¹ La participaziun da la Confederaziun als custs da la furmazion professiunala per ademplir las incumbensas tenor LFPr vegn calculada a maun da la media dals custs nets ch'èn resultads per il maun public ils quatter onns chalendars precedents.

² Ils custs nets vegnan calculads cun agid d'in quint integral dals custs per las expensas, main las entradas.

³ Tar ils custs nets na tutgan betg:

- ils custs per las autoritads executivas;
- ils custs da las plazzas da lavur ed ils salaris dals emprendists da l'administratiun publica e d'interpresas dal dretg public.

Art. 60 Custs dals chantuns
 (art. 53 al. 2 LFPr)

¹ Ils chantuns communityeschan al SEFRI annualmain fin il 1. da fanadur ils custs nets ch'els e las vischnancas han gi l'onn precedent per la furmazion professiunala.

² Ils custs ston vegnir repartids a maun da las expensas per las incumbensas tenor l'artitgel 53 alinea 2 LFPr. Ils custs da la furmazion fundamentala da scola ston vegnir cumprovads separadamain.

³ En directivas po il SEFRI prevair in'ulteriura repartiziu.

Art. 61 Repartizun da la part federala(art. 52 LFPr)²²

La part federala vegn repartida sco suonda:

- a. prestaziuns da la Confederaziun tenor ils artitgels 4 alinea 2 e 48 LFPr;
- b. contribuziuns tenor ils artitgels 54 e 55 LFPr;
- c.²³ contribuziuns tenor ils artitgels 56 e 56a LFPr;
- d. contribuziuns pauschalas tenor l'artitgel 53 LFPr.

2. part Contribuziuns pauschalas

(art. 53 LFPr)

Art. 62

¹ Il credit da la Confederaziun per contribuziuns pauschalas als chantuns tenor l'artitgel 53 LFPr vegn repartì sco suonda:

- a. ina part per ils custs da las furmaziuns fundamentalas da scola;
- b. ina part per ils ulteriurs custs da la furmaziun professiunala.

² La part tenor l'alinea 1 litera a vegn repartida sin ils chantuns a norma dal dumber da persunas che absolvyan ina furmaziun fundamentala da scola, la part tenor l'alinea 1 litera b a norma da las ulteriuras persunas che absolvyan ina furmaziun fundamentala professiunala. Decisiva è qua la media dals quatter onns precedents.

³ Sch'in chantun n'ademplescha betg incumbensas en il sectur da la furmaziun professiunala superiura e da la furmaziun supplementara orientada a la professiun, al vegn pajada ina contribuziun pauschala ch'è analogamain pli pitschna.

⁴ ...²⁴

⁵ Il SEFRI paja las contribuziuns annualmain en duas transchas.

²² Versiun tenor la cifra I da l'O dals 15 da sett. 2017, en vigur dapi il 1. da schan. 2018 (AS 2017 5147).

²³ Versiun tenor la cifra I da l'O dals 15 da sett. 2017, en vigur dapi il 1. da schan. 2018 (AS 2017 5147).

²⁴ Aboli tras la cifra I 1 da l'O dals 7 da nov. 2007 davart la gulivaziun da finanzas e la repartiziun da las incumbensas tranter la Confederaziun ed ils chantuns, cun effect dapi il 1. da schan. 2008 (AS 2007 5823).

3. part

Contribuziuns per projects per sviluppar la furmaziun professiunala e per sviluppar la qualitad sco er per prestaziuns spezialas en l'interess public²⁵

Art. 63 Contribuziuns per projects per sviluppar la furmaziun professiunala e per sviluppar la qualitad
(art. 4 e 54 LFPr)²⁶

¹ Las contribuziuns federalas a favur da projects per sviluppar la furmaziun professiunala tenor l'artitgel 54 LFPr cuvran maximalmain 60 pertschient dals custs. En cas excepziunals motivads pon vegnir concedidas contribuziuns fin ad 80 pertschient dals custs.

² Las contribuziuns vegnan concedidas sco suonda:

- a. per studis e per projects da pilot: tenor lur capacitat da sclerir en la pratica la realisbladad e l'efficacitad da novs mecanissem da furmaziun u tenor lur capacitat da realisar ina refurm;
- b. per la creaziun da novas structuras solidas: tenor lur capacitat da reunir differents partenaris ad ina instituzion responsabla independenta per novs secturs da la furmaziun professiunala.

³ Ils projects na vegnan betg sustegnids pli ditg che quatter onns. Il sustegn vegn prolungà per maximalmain in onn.

Art. 64 Contribuziuns per prestaziuns spezialas ch'èn d'in interess public
(art. 55 LFPr)

¹ Las contribuziuns federalas a favur da prestaziuns spezialas ch'èn d'in interess public tenor l'artitgel 55 LFPr cuvran maximalmain 60 pertschient dals custs. En cas excepziunals motivads pon vegnir concedidas contribuziuns fin ad 80 pertschient dals custs.

^{1bis} Sco prestaziuns spezialas ch'èn d'in interess public valan er mesiras e projects da la collavurazion internaziunala concernent la furmaziun professiunala che gidan a rinforzar il sistem svizzer da la furmaziun professiunala.²⁷

² Las contribuziuns vegnan concedidas sco suonda:

- a. tenor il grad da l'interess;
- b. tenor la pussaviladad che las personas petentas han da furnir in'atgna prestaziun;
- c. tenor l'urgenza da la mesira.

²⁵ Versiun tenor la cifra I da l'O dals 15 da sett. 2017, en vigur dapi il 1. da schan. 2018 (AS 2017 5147).

²⁶ Versiun tenor la cifra I da l'O dals 15 da sett. 2017, en vigur dapi il 1. da schan. 2018 (AS 2017 5147).

²⁷ Integrà tras la cifra I da l'O dals 25 da sett. 2015, en vigur dapi il 1. da schan. 2016 (AS 2015 3807).

³ Las contribuziuns vegnan concedidas per maximalmain tschintg onns. Ina prolungaziun è pussaivla.

4. part

Contribuziuns per realisar ils examens professiunals federals ed ils examens professiunals federals superiurs sco er per scolaziuns da scolas spezialisadas superiuras²⁸

Art. 65²⁹ Contribuziuns per realisar examens professiunals federals ed examens professiunals federals superiurs
(art. 56 LFPr)

¹ Las contribuziuns federalas tenor l'artitgel 56 LFPr per realisar examens professiunals federals ed examens professiunals federals superiurs cuvran maximalmain 60 pertschient dals custs.

² Per examens ch'èn spezialmain custus per raschuns che han in connex cul rom po vegnir pajada ina contribuziun che curva fin ad 80 pertschient dals custs. Dumondas en quest resguard èn dad argumentar spezialmain.

Art. 65a³⁰ Contribuziuns per furmaziuns da scolas spezialisadas superiuras
(art. 56 LFPr)

¹ Las contribuziuns federalas tenor l'artitgel 56 LFPr per furmaziuns da scolas spezialisadas superiuras cuvran maximalmain 25 pertschient dals custs.

² Contribuziuns per furmaziuns da scolas spezialisadas superiuras vegnan mo concedidas, sche:

- a. questas furmaziuns vegnan purschidas en tut il pajais tras organisaziuns dal mund da lavur ch'èn activas sin plaun naziunal; e
- b. i na vegnan pajadas naginas contribuziuns chantunalas per questas furmaziuns.

²⁸ Integrà tras la cifra I da l'O dals 15 da sett. 2017, en vigur dapi il 1. da schan. 2018 (AS 2017 5147).

²⁹ Versiun tenor la cifra I da l'O dals 14 da nov. 2012, en vigur dapi il 1. da schan. 2013 (AS 2012 6473).

³⁰ Integrà tenor la cifra I da l'O dals 14 da nov. 2012, en vigur dapi il 1. da schan. 2013 (AS 2012 6473).

5. part Procedura da concessiun da las contribuziuns

(art. 57 LFPr)³¹

Art. 66 ...³²

¹ Il SEFRI decretescha directivas davart la dumonda, davart la budgetaziun e davart ils rendaquints dals projects tenor ils artitgels 54 fin 56 LFPr.

² El suttametta las dumondas al giudicament da la cumissiun federala per la furmazion professiunala. Projects tenor l'artitgel 54 LFPr vegnan suttamess a la cumissiun, sch'il custs dal project surpassan la summa 250 000 francs.

³ En la disposiziun davart la concessiun d'ina contribuziun ad in project tenor ils artitgels 54 fin 56 LFPr fixescha il SEFRI en spezial:

- a. l'import da la contribuziun garantida;
- b. las mesiras per controllar, sche las finamiras èn vegnididas cuntanschidas;
- c. la moda da proceder en cas da svilups nunprevis;
- d. l'evaluaziun da las mesiras prendidas.

⁴ Per ils projects tenor l'artitgel 54 LFPr fixescha il SEFRI supplementarmain en la disposiziun:

- a. d'etappar projects che duran probablamain pli ditg che in onn;
- b. mesiras consecutivas e mesiras da realisaziun;
- c. l'infurmazion davart ils resultats e lur derasaziun.

6. part³³ Contribuziuns ad absolvents da curs preparatorics

(art. 56a e 56b LFPr)

Art. 66a Dumondas da contribuziun e termins

¹ Absolvents da curs preparatorics per examens professiunals federales u per examens professiunals federales superiurs pon inoltrar al SEFRI ina dumonda da contribuziuns federalas.

² La dumonda vegn per regla inoltrada suenter avair absolvì l'examen professiunal federal u l'examen professiunal federal superiur.

³ Sche las premissas da l'artitgel 66e èn ademplidas, po ina dumonda da contribuziuns parzialas vegnir inoltrada gia avant che absolver l'examen professiunal federal u l'examen professiunal federal superiur.

³¹ Integrà tras la cifra I da l'O dals 15 da sett. 2017, en vigur dapi il 1. da schan. 2018 (AS 2017 5147).

³² Aboli tras la cifra I da l'O dals 15 da sett. 2017, cun effect dapi il 1. da schan. 2018 (AS 2017 5147).

³³ Integrà tras la cifra I da l'O dals 15 da sett. 2017, en vigur dapi il 1. da schan. 2018 (AS 2017 5147).

Art. 66b Dumonda suenter avair absolvi l'examen professiunal federal u l'examen professiunal federal superieur

La dumonda da contribuziuns inoltrada suenter avair absolvi l'examen professiunal federal u l'examen professiunal federal superieur cumpiglia:

- a. indicaziuns davart il petent;
- b. ils quints emess dal purschider dal curs preparatoric per las taxas da curs che l'absolvent sto pajar;
- c. la conferma emessa dal purschider dal curs preparatoric per las taxas da curs imputablas ch'en vegnidas pajadas da l'absolvent;
- d. la disposiziun davart la reussida u la nunreussida da l'examen professiunal federal u da l'examen professiunal federal superieur absolvì.

Art. 66c Premissas per contribuziuns suenter avair absolvi l'examen professiunal federal u l'examen professiunal federal superieur

¹ Il SEFRI paja contribuziuns, sche:

- a. l'absolvent ha ses domicil fiscal en Svizra il mument da la communicaziun da la disposiziun davart la reussida u la nunreussida da l'examen professiunal federal u da l'examen professiunal federal superieur;
- b. il curs preparatoric absolvì:
 1. figurava sin la glista dals curs preparatorics tenor l'artitgel 66g l'onn ch'il curs ha cumenzà, e
 2. n'ha betg cumenzà dapli che 7 onns avant la communicaziun da la disposiziun davart la reussida u la nunreussida da l'examen professiunal federal u da l'examen professiunal federal superieur;
- c. las taxas da curs imputablas surpassan tut en tut 1000 francs;
- d. igl è avant maun ina conferma emessa dal purschider dal curs preparatoric per las taxas da curs imputablas ch'en vegnidas pajadas da l'absolvent e questa conferma n'è betg gia vegnida inoltrada en il rom d'ina autra dumonda;
- e. in examen professiunal superieur u in examen professiunal federal superieur è vegni absolvì;
- f. la dumonda vegn inoltrada entaifer 2 onns suenter la communicaziun da la disposiziun davart la reussida u la nunreussida da l'examen professiunal federal u da l'examen professiunal federal superieur.

² Il SEFRI paja las contribuziuns mo ad absolvents.

Art. 66d Dumonda da contribuziuns parzialas avant che absolver l'examen professiunal federal u l'examen professiunal federal superieur

¹ La dumonda da contribuziuns parzialas avant che absolver l'examen professiunal federal u l'examen professiunal federal superieur cumpiglia:

- a. indicaziuns davart il petent;
- b. in'obligaziun en scrit envers il SEFRI:
 - 1. d'absolver l'examen professiunal federal u l'examen professiunal federal superieur en mira, e
 - 2. da preschentar la disposiziun davart la reussida u la nunreussida da l'examen professiunal federal u da l'examen professiunal federal superieur absolvì entaifer maximalmain 5 onns suenter l'emprima dumonda;
- c. ils quints emess dal purschider dal curs preparatoric per las taxas da curs ch'il participant sto pajar;
- d. la conferma emessa dal purschider dal curs preparatoric per las taxas da curs imputablas ch'en vegnididas pajadas dal participant;
- e. la cumprova ch'il petent ha stùi pajar main che 88 francs taglia federala directa tenor l'ultima taxaziun da taglia cun vigur legala.

² Igl è pussaivel d'inoltrar pliras dumondas da contribuziuns parzialas. Eventualas contribuziuns restantas pon vegnir dumandadas suenter avair survegnì la disposiziun davart la reussida u la nunreussida da l'examen professiunal federal u da l'examen professiunal federal superieur absolvì.

Art. 66e Premissas per contribuziuns parzialas, rendaquit e restituziun

¹ Il SEFRI paja mo contribuziuns parzialas, sche:

- a. il petent ha ses domicil fiscal en Svizra il mument ch'el inoltrescha la dumonda;
- b. igl è avant maun in'obligaziun tenor l'artitgel 66d alinea 1 litera b;
- c. il curs preparatoric absolvì:
 - 1. figurava sin la glista dals curs preparatorics tenor l'artitgel 66g l'onn ch'il curs ha cumenzà, e
 - 2. n'ha betg cumenzà dapli che 7 onns avant l'inoltraziun da la dumonda;
- d. las taxas da curs imputablas surpassan 3500 francs per dumonda;
- e. igl è avant maun ina conferma emessa dal purschider dal curs preparatoric per las taxas da curs imputablas ch'en vegnididas pajadas dal participant e questa conferma n'è betg gia vegnida inoltrada en il rom d'ina autra dumonda;
- f. il petent ha stùi pajar main che 88 francs taglia federala directa tenor l'ultima taxaziun da taglia cun vigur legala.

² Suenter avair survegni la disposiziun davart la reussida u la nunreussida da l'examen professiunal federal u da l'examen professiunal federal superieur absolvì sco er eventualas ulteriuras confermas fa il SEFRI in rendaquit final e paja – sin dumonda – eventualas contribuziuns restantas fin a la limita superiura.

³ Il SEFRI paja las contribuziuns mo a participants.

⁴ Sch'i n'è avant maun nagina disposizion davart la reussida u la nunreussida da l'examen professiunal federal u da l'examen professiunal federal superieur absolvì entaifer il termin tenor l'artitgel 66d alinea 1 litera b cifra 2, sto vegnir restituïda la summa pajada. Valair valan las disposiziuns da la Lescha da subvenziuns dals 5 d'octobre 1990³⁴.

Art. 66f Tariffa da contribuziun, limita superiura e taxas da curs imputablas

¹ Per dumondas tenor l'artitgel 66b e tenor l'artitgel 66d importa la tariffa da contribuziun 50 pertschient da las taxas da curs imputablas.

² La limita superiura da las taxas da curs imputablas importa per persuna subvenziunabla e per diplomi:

- a. 19 000 francs per examens professiunals federais;
- b. 21 000 francs per examens professiunals federais superieurs.

³ Imputabla è mo quella part da las taxas da curs che serva directamain a l'intermediaziun da savida per l'examen professiunal federal u per l'examen professiunal federal superieur. Betg imputablas n'en en spezial spesas da viadi, d'alimentaziun e da pernottazion.

⁴ Taxas da curs ch'en vegnidas reducidas tras contribuziuns en il rom da la Cunvegna interchaintunala dals 22 da mars 2012³⁵ davart las contribuziuns per las scolaizuns da las scolas spezialisadas superiuras (CSSS) n'en betg imputablas.

Art. 66g Glista dals curs preparatorics

¹ Il SEFRI maina ina glista dals curs preparatorics. La glista è ina part integrala da l'ordinaziun e vegn publitgada tras in renviament (art. 5 al. 1 lit. c da la Lescha dals 18 da zercladur 2004³⁶ davart las publicaziuns uffizialas). Ella è accessibla en furma electronica³⁷. Il SEFRI actualisescha mintga onn la glista.

² Purschiders che vulan laschar metter lur curs sin la glista dals curs preparatorics ston:

- a. avair lur sedia en Svizra; e
- b. garantir ch'els adempleschian las obligaziuns imponidas (art. 66i).

³ Els s'annunzian tar il SEFRI cun las indicaziuns e cun las cumprovas necessarias.

⁴ Il SEFRI inscriva in curs sin la glista, sche quest curs ademplescha las suandantas premissas:

- a. il curs ha lieu en Svizra;

³⁴ SR **616.1**

³⁵ La cunvegna po vegnir consultada sin la pagina d'internet da la Conferenza svizra dals directurs chantunals da l'educaziun pubblica (CDEP) sut: [> Arbeiten > Finanzierungs-Vereinbarungen > Höhere Fachschulen](http://www.edk.ch)

³⁶ SR **170.512**

³⁷ La glista po vegnir consultada sut: www.sbf.admin.ch/hbb-finanzierung

- b. areguard il cuntegn prepara il curs directamain per l'examen professiunal federal u per l'examen professiunal federal superior. En pli garantescha il curs cumplainamain u parzialmain las cumpetenzas pretendidas.

⁵ En cas excepcionalis motivads, en spezial sch'i na vegnan purschids nagins curs correspondents en Svizra, poi vegnir inscrit sin la glista er in curs che n'ha betg lieu en Svizra u in curs d'in purschider che n'ha betg sia sedia en Svizra.

⁶ In curs inscrit sin la glista sto vegnir confermà mintga onn dal purschider dal curs, per cumparair l'onn suandard sin la glista.

Art. 66h Emprovas da controlla

Il SEFRI examinescha las indicaziuns dals purschiders dal curs tenor l'artitgel 66g alineas 2 e 4 sco er tenor l'artitgel 66*i* alinea 1 a maun d'emprovas da controlla.

Art. 66i Obligaziuns dals purschiders da curs e sancziuns

¹ Il purschider da curs emetta ina conferma tenor il model dal SEFRI per mauns dal participant. Questa conferma cuntegna ina preschentaziun correcta:

- a. da tut las taxas da curs;
- b. da las taxas da curs imputablas;
- c. da las taxas da curs imputablas ch'èn vegnidas pajadas dal participant.

² Il purschider da curs cooperescha tar la realisaziun da las emprovas da controlla.

³ Sch'in purschider da curs fa faussas indicaziuns, na dovra betg il model tenor l'alinea 1, n'observa betg las directivas u na furnescha betg entaifer il termin fixà las cumprova pretendidas en il rom da las emprovas da controlla, po il SEFRI stritgar da la glista il curs respectiv u l'entira purschida da curs da quest purschider.

⁴ Sch'in purschider da curs fa intenziunadamax indicaziuns che na correspundan betg a la vardad, po il SEFRI suspender supplementarmain il purschider per 1 onn da l'inscripcioni sin la glista.

Art. 66j Delegaziun d'incumbensas

(art. 56*b* e 67 LFPr)

¹ Il SEFRI po delegar incumbensas tenor questa part ad organisaziuns dal mund da lavor.

² Las incumbensas vegnan delegadas tras ina cunvegna da prestaziun.

7. part**Reducziun u refusa da contribuziuns federalas**(art. 58 LFPr)³⁸**Art. 67**

La reducziun u la refusa da contribuziuns federalas tenor l'artitgel 58 LFPr vegg calculada tenor il grad da la violazion da las obligaziuns tras la persuna che survegn las contribuziuns. La reducziun importa maximalmain in terz.

8. part**Fond per la furmaziun professiunala³⁹****Art. 68**

Dumondas pertutgond l'obligaziun

(art. 60 LFPr)⁴⁰

1 Dumondas pertutgant l'obligaziun d'in fond per la furmaziun professiunala veggan fatgas:

- a. d'organisaziuns dal mund da l'avur ch'èn activas sin plau naziunal per tut ils manaschis da la branscha en l'entir pajais; u
- b. d'organisaziuns dal mund da l'avur ch'èn activas sin plau regional per ils manaschis da la branscha da lur region.

2 La dumonda vegg inoltrada en scrit al SEFRI e cuntegna en spezial las suandatas indicaziuns:

- a. las mesiras da promozion;
- b. il gener da l'incassament da las contribuziuns;
- c. la denominaziun da la branscha;
- d. eventualmain la limitaziun regionala;
- e. la limitaziun da las prestaziuns visavi auters fonds per la furmaziun professiunala.

3 L'organisaziun posseda – en il senn da l'artitgel 60 alinea 4 litera b LFPr – ina atgna instituziun da furmaziun, sch'ella metta sezza a disposiziun ina purschida che s'occupa principalmain da la scolaziun e da la furmaziun supplementara en la branscha u sch'ella è participada ad ina tala purschida.

4-7 ...⁴¹

³⁸ Versiun tenor la cifra I da l'O dals 15 da sett. 2017, en vigur dapi il 1. da schan. 2018 (AS 2017 5147).

³⁹ Versiun tenor la cifra I da l'O dals 15 da sett. 2017, en vigur dapi il 1. da schan. 2018 (AS 2017 5147).

⁴⁰ Integrà tras la cifra I da l'O dals 3 da dec. 2010, en vigur dapi il 1. da schan. 2011 (AS 2010 6005).

⁴¹ Aboli tras la cifra I da l'O dals 3 da dec. 2010, cun effect dapi il 1. da schan. 2011 (AS 2010 6005).

Art. 68a⁴² Incassament da contribuziuns

(art. 60 LFPr)

¹ L'organisazion dal mund da lavur metta en quint las contribuziuns a las instituziuns suttamessas.

² Tgi che furnescha gia prestaziuns tenor l'artitgel 60 alinea 6 LFPr, paja la differenza tranter la prestaziun ch'è già vegnida furnida e l'import che vegn incassà per augmentar il fond per la furmazion professiunala ch'è vegni declarà sco generalmain liant. La differenza vegn calculada proporziunalmain sin fundament da las contribuziuns per la medema prestaziun.

³ L'organisazion dal mund da lavur decreteschia l'import sche l'instituzion suttamessa pretenda quai u na paja betg.

⁴ In decret davart il pajament da l'import ha vigur legala tenor l'artitgel 80 da la Lescha federala dals 11 d'avrigl 1889⁴³ da scussiun e da concurs ed ha la medema vigur ch'ina decisiu giuridica executabla.

Art. 68b⁴⁴ Controlla dal diever dals daners, da la contabilitad e revisiun

(art. 60 LFPr)

¹ L'utilisazion dals daners or dal fond vegn examinada periodicamain.

² Per la contabilitad dal fond per la furmazion professiunala ch'è vegni declarà dal Cussegli federal sco liant valan las disposiziuns tenor ils artitgels 957 fin 964 dal dretg d'obligaziuns⁴⁵.

³ Ils quints dal fond ch'è vegni declarà dal Cussegli federal sco liant vegnan revedids annualmain tras posts independents. Ils rapports da revisiun vegnan inoltrads al SEFRI per enconuschientscha.

⁴² Integrà tras la cifra 1 da l'O dals 3 da dec. 2010, en vigur dapi il 1. da schan. 2011 (AS 2010 6005).

⁴³ SR 281.1

⁴⁴ Integrà tras la cifra I da l'O dals 3 da dec. 2010, en vigur dapi il 1. da schan. 2011 (AS 2010 6005). Ils alineas 5–7 da l'artitgel 68 existent èn daventads ils alineas 1–3 da quest artitgel.

⁴⁵ SR 220

9. chapitel Renconuschientscha da diploms esters⁴⁶

Art. 69⁴⁷ Entrada (art. 68 LFPr)

Il SEFRI u terzas persunas (tenor l'art. 67 LFPr) cumpareglian sin dumonda in diplom ester cun in diplom svizzer correspondent da la furmaziun professiunala, sche:

- a. il diplom ester sa basa sin prescripziuns giuridicas u administrativas statalas ed è vegni emess da l'autoritat u da l'instituzion cumpetenta en il stadi d'origin; e
- b. il titular dal diplom ester cumprova d'avair enconuschientschas d'ina lingua uffiziala da la Confederazion ch'en necessarias per exercitar la professiun en Svizra.

Art. 69a⁴⁸ Professiuns reglamentadas (art. 68 LFPr)

¹ Il SEFRI u terzas persunas renconuschan in diplom ester che vala per exercitar ina professiun reglamentada, sch'el ademplescha – cumpareglià cun il diplom svizzer correspondent da la furmaziun professiunala – las suandardas premissas:

- a. il stgalim da furmaziun è il medem;
- b. la durada da la furmaziun è la medema;
- c. ils cuntegns da la furmaziun èn cumparegliabels;
- d. la furmaziun estra cumpiglia ultra da las qualificaziuns teoreticas er qualificaziuns praticas u igl è avant maun in'experiertscha professiunala respectiva.

² Sch'il diplom ester permetta bain d'exercitar la professiun correspondent en il stadi da derivanza, ma sche betg tut las premissas tenor l'alinea 1 n'en ademplidas, procuran il SEFRI u terzas persunas, en cas da basegn en collauraziun cun expertas ed experts, per mesiras per cumpensar las differenzas ch'existan tranter il diplom ester ed il diplom svizzer correspondent (mesiras cumpensatoricas) cunzunt en furma d'in examen da qualificaziun u d'ina scolaziun d'adattazzun. Sch'ina part impurtanta da la scolaziun svizra stuess vegnir absolvida per cumpensar las differenzas, na vegnan las mesiras cumpensatoricas betg en dumonda.

⁴⁶ Versiun tenor la cifra 2 da l'O dals 12 da nov. 2014 tar la LF davart l'agid a las scolas autas e davart la coordinaziun en il sectur da las scolas autas svizras, en vigur dapi il 1. da schan. 2015 (AS 2014 4137).

⁴⁷ Versiun tenor la cifra 2 da l'O dals 12 da nov. 2014 tar la LF davart l'agid a las scolas autas e davart la coordinaziun en il sectur da las scolas autas svizras, en vigur dapi il 1. da schan. 2015 (AS 2014 4137).

⁴⁸ Integrà tras la cifra 2 da l'O dals 12 da nov. 2014 tar la LF davart l'agid a las scolas autas e davart la coordinaziun en il sectur da las scolas autas svizras, en vigur dapi il 1. da schan. 2015 (AS 2014 4137).

³ Ils custs per las mesiras cumpensatoricas veggan mess a quint a las absolventas ed als absolvents.

Art. 69b⁴⁹ Professiuns betg reglamentadas
(art. 68 LFPr)

¹ Sche las premissas tenor l'artigel 69a alinea 1 literas a e b èn ademplidas tar in diplom ester d'ina professiun betg reglamentada, attribueschan il SEFRI u terzas personas il diplom al sistem da furmazion svizzer tras ina conferma dal nivel.

² Sche tut las premissas tenor l'artigel 69a alinea 1 èn ademplidas, renconuschan il SEFRI u terzas personas il diplom ester.

Art. 69c⁵⁰

Art. 70⁵¹

10. chapitel Disposiziuns finalas

1. part Execuziun

Art. 71 SEFRI
(art. 65 LFPr)

¹ Il SEFRI exequescha questa ordinaziun, nun che la cumpetenza saja reglada autramain.

² El è il post da contact per la renconuschientscha vicendaivla dals diploms en il rom da l'execuziun dals sustants contracts internazionals:

- a. cunvegna dals 21 da zercladur 1999⁵² tranter la Confederaziun svizra d'ina vart e la communidad europeica e ses stadis commembers da l'autra vart davart la libra circulaziun da personas;
- b. convenziun dals 4 da schaner 1960⁵³ per la fundaziun da l'associaziun europeica da commerzi liber (AECL).

⁴⁹ Integrà tras la cifra 2 da l'O dals 12 da nov. 2014 tar la LF davart l'agid a las scolas autas e davart la coordinaziun en il sectur da las scolas autas svizras, en vigur dapi il 1. da schan. 2015 (AS 2014 4137).

⁵⁰ Oriundamaian; art. 69a. Integrà tras la cifra II da l'O dals 14 da sett. 2005 (AS 2005 4645). Aboli tras la cifra 2 da l'aggiunta da l'O dals 21 da dec. 2016, cun effect dapi il 1. da schan. 2017 (AS 2016 5113).

⁵¹ Aboli tras la cifra 2 da l'aggiunta da l'O dals 12 da nov. 2014 tar la LF davart l'agid a las scolas autas e davart la coordinaziun en il sectur da las scolas autas svizras, cun effect dapi il 1. da schan. 2015 (AS 2014 4137).

⁵² SR 0.142.112.681

⁵³ SR 0.632.31

Art. 71a⁵⁴ **Taxas dal SEFRI**

Las taxas che vegnan incassadas dal SEFRI per disposiziuns prendidas en emprima instanza e per servetschs furnids en il champ d'incumbensa dal SEFRI sa drizzan tenor l'urden da taxas dal UFFT dals 16 da zercladur 2006⁵⁵.

Art. 72 **Dretg d'access ed obligaziun da dar infurmaziuns**
(art. 65 al. 4 LFPr)

¹ Ils posts ch'èn incumbensads cun l'execuziun han access ad occurrentzas da la furmazion professiunala. Els pon dumandar infurmaziuns e prender invista da documents che concernan la furmazion professiunala.

² Il SEFRI po dumandar infurmaziuns als chantuns e directamain a terzas persunas, a las qualas èn surdadas incumbensadas executivas.

Art. 73 **Retratga d'attestats e da titels**
(art. 63 LFPr)

¹ Il SEFRI retira attestats e titels ch'èn vegnids acquirids en moda illegala. La persezunguiun penalà resta resalvada.

² La retratga definitiva d'in attestat vegn communitgada als chantuns; in'eventuala inscripcziun en il register uffizial vegn annullada.

2. part **Aboliziun e midada dal dretg vertent****Art. 74**

¹ L'aboliziun e la midada dal dretg vertent vegnan regladas en l'agiunta.

² Per l'aboliziun da reglamnets da scolaziun ch'èn vegnids decretads dal departament sa basond sin l'artitgel 12 da la Lescha federala dals 19 d'avrigl 1978⁵⁶ davart la furmazion professiunala, è cumpetent il SEFRI.

⁵⁴ Integrà tras la cifra 2 da l'agiunta da l'urden da taxas dal UFFT dals 16 da zer. 2006, en vigur dapi il 1. d'avust 2006 (AS 2006 2639).

⁵⁵ **SR 412.109.3**

⁵⁶ [AS 1979 1687, 1985 660 cifra I 21, 1987 600 art. 17 cifra 3, 1991 857 agiunta cifra 4, 1992 288 agiunta cifra 17 2521 art. 55 cifra 1, 1996 2588 art. 25 al. 2 ed agiunta cifra 1, 1998 1822 art. 2, 1999 2374 cifra I 2, 2003 187 agiunta cifra II 2. AS 2003 4557 agiunta cifra I 1]

3. part Disposiziuns transitoricas

Art. 75 Diploms da la furmazion professiunala tenor il dretg chantunal
 (art. 73 al. 2 LFPr)

¹ Ils titels d'absolventas e d'absolvents da furmaziuns professiunalaas tenor il dretg chantunal valan sco titels federaals il moment da l'entrada en vigur da questa ordinaziun, sch'els eran regladis fin ussa en cunvegnaas interchantunalaas.

² L'equivalenza da titels tenor l'alinea 1 cun ils titels tenor las novas regulaziuns federales sco er las cundiziuns per convertir eventualmain questi titels vegnan fixadas en ils decrets respectivs davart la furmazion.

³ Per renconuscher las furmaziuns e las conversiuns da titels en quels secturs ch'eran suttamess fin ussa al dretg interchantunal, applitgescha il SEFRI las disposiziuns decisivas dal dretg interchantunal vertent fin a l'entrada en vigur dals decrets davart la furmazion.

⁴ En il sectur da las professiuns da la sanadad è cumpetenta la Crusch cotschna svizra per renconuscher las furmaziuns e las conversiuns da titels sco er per renconuscher ils diploms ed ils certificats esters fin a l'entrada en vigur dals decrets federales decisivs davart la furmazion.

Art. 76 Persunas responsablas per la furmazion professiunala ordaifer il champ d'applicaziun dal dretg vegl
 (art. 73 LFPr)

¹ Furmaturas e furmaturas da la professiun ordaifer il champ d'applicaziun da la Lescha federala dals 19 d'avrigl 1978⁵⁷ davart la furmazion professiunala che han instrui durant almain tschintg onns emprendistas ed emprendists, valan sco qualifitgads en il senn dals artitgels 44 e 45.

² La cumissiun federala per las persunas responsablas per la furmazion professiunala surveglia l'equivalenza da las qualificaziuns da las suandantas persunas responsablas per la furmazion professiunala:

- a. furmaturas e furmaturas professiunals en curs intermanaschials ed en auters lieus da furmazion cumparegliabels sco er en lavuratoris d'emprendissadi ed en autras instituziuns renconuschidas per la furmazion pratica professiunala;
- b. persunas d'instrucziun.

³ Ella elavura ils criteris per l'equivalenza e formulescha, tge qualificaziuns posteriuras ch'en eventualmain necessarias. Il SEFRI decida davart l'equivalenza e davart eventualas qualificaziuns posteriuras.

⁴ Eventualas qualificaziuns posteriuras ston vegnir acquiridas entaifer tschintg onns suenter la decisiun dal SEFRI.

⁵⁷ [AS 1979 1687, 1985 660 cifra I 21, 1987 600 art. 17 cifra 3, 1991 857 agiunta cifra 4, 1992 288 agiunta cifra 17 2521 art. 55 cifra 1, 1996 2588 art. 25 al. 2 ed agiunta cifra 1, 1998 1822 art. 2, 1999 2374 cifra I 2, 2003 187 agiunta cifra II 2. AS 2003 4557 agiunta cifra I 1]

Art. 76a⁵⁸ Qualificaziun d'instruir sport

Ils diploms survegnids tenor il dretg vegl – il diplom federal I e II per magisters da gimnastica e da sport, il diplom «magister da sport SAP» ed il diplom da bachelor en sport da la Scola auta federala da sport a Magglingen – valan sco qualificaziuns d'instruir tenor l'alinea 3 da l'artitgel 46.

Art. 77 Contribuziuns pauschalas
(art. 73 al. 3 e al. 4 LFPr)

¹ Las incumbensas dals chantuns tenor l'artitgel 53 alinea 2 LFPr veggan cofinanziadas cumplainamain da la Confederaziun sur las contribuziuns pauschalas tenor la LFPr e tenor questa ordinaziun, e quai a partir dal tschintgavel onn dapi l'entrada en vigur da la LFPr.

² Ils emprims quatter onns suenter l'entrada en vigur da la LFPr vala la suandanta regulaziun:

- a. Las incumbensas tenor l'artitgel 53 alinea 2 LFPr che la Confederaziun ha sustegni fin ussa sin basa d'ina da las suandantas leschas, sustegna ella vinvant tenor questas leschas:
 - 1. Lescha federala dals 19 d'avrigl 1978⁵⁹ davart la furmaziun professiunala,
 - 2. Lescha d'agricultura dals 29 d'avrigl 1998⁶⁰,
 - 3. Lescha dal guaud dals 4 d'october 1991⁶¹,
 - 4. Lescha federala dals 19 da zercladur 1992⁶² davart ils agids finanzials a las scolas spezialisadas superiuras da lavour sociala.
- b. Las ulteriuras incumbensas tenor l'artitgel 53 alinea 2 LFPr sustegna la Confederaziun en il rom dals meds ch'èn avant maun tenor l'artitgel 53 alinea 1 LFPr.

Art. 78 Projects da construcziun e locaziuns
(art. 73 al. 3 LFPr)

¹ Las dumondas da subvenziun per projects da construcziun ch'èn veggidas inoltradas al SEFRI fin a l'entrada en vigur da la LFPr e che cuntegنان in program dals locals accumpagnà d'in plan d'occupaziun dals locals, in project preliminar u in project da construcziun, veggan giuditgadas tenor il dretg vertent.

² Sch'i vegg inoltrà in program dals locals accumpagnà d'in plan d'occupaziun dals locals u in project preliminar, veggan mo concedidas subvenziuns tenor il dretg

⁵⁸ Integrà tras la cifra 3 da l'artitgel 82 da l'O per la promozion dal sport dals 23 da matg 2012, en vigur dapi il 1. d'oct. 2012 (AS 2012 3967).

⁵⁹ [AS 1979 1687, 1985 660 cifra I 21, 1987 600 art. 17 cifra 3, 1991 857 agiunta cifra 4, 1992 288 agiunta cifra 17 2521 art. 55 cifra 1, 1996 2588 art. 25 al. 2 ed agiunta cifra 1, 1998 1822 art. 2, 1999 2374 cifra I 2, 2003 187 agiunta cifra II 2. AS 2003 4557 agiunta cifra I 1]

⁶⁰ SR 910.1

⁶¹ SR 921.0

⁶² [AS 1992 1973. AS 2003 4557 agiunta I 2]

vertent, sch'i vegn preschentà in project da construcziun fin il pli tard quatter onns suenter l'entrada en vigur da la LFPr.

³ Sch'ina subvenziun è veginida permessa per in project da construcziun, sto il renda-quint final per il project che duai vegnir realisà ,vegnir inoltrà fin il pli tard diesch onns suenter l'entrada en vigur da la LFPr. Sch'il rendaquint final vegn inoltrà suenter quest termin, na vegnan debitadas nagini subvenziuns pli.

⁴ Las dumondas da subvenziun per la locaziun da locals che vegnivan inoltradas fin a l'entrada en vigur da la LFPr accumpagnadas d'ina tabella dals locals, d'in contract da locaziun u d'in contract da locaziun preliminar e d'in plan d'occupaziun dals locals, vegnan giuditgadas tenor il dretg vertent. Las subvenziuns vegnan concedidas fin maximalmain quatter onns suenter l'entrada en vigur da la LFPr.

⁵ Il credit da pajament per ils edifizis e per las locaziuns va a quint da la limita d'expensas tenor l'artitgel 59 alinea 1 litera a LFPr.

Art. 78a⁶³ Disposiziuns transitoricas da la midada dals 15 da settember 2017

¹ Contribuziuns tenor ils artitgels 66c e 66e pon vegnir dumandadas mo per curs pre-paratorics per examens professiunals federrals u per examens professiunals federrals superiurs che han cumenzà suenter il 1. da schaner 2017.

² Il SEFRI procura che l'efficacitad da las disposiziuns da la 6. part dal 8. chapitel (art. 66a–66j) vegnia controllada 3 onns suenter l'entrada en vigur da la midada dals 15 da settember 2017 e ch'i vegnia suttamess in rapport al Cussegli federal.

4. part Entrada en vigur

Art. 79

Questa ordinaziun entra en vigur il 1. da schaner 2004.

⁶³ Integrà tras la cifra I da l'O dals 15 da sett. 2017, en vigur dapi il 1. da schan. 2018 (AS 2017 5147).

Agiunta
(art. 74)

Aboliziun e midada dal dretg vertent

I

L'Ordinazion dals 7 da november 1979⁶⁴ davart la furmaziun professiunala (OFPr) vegn abolida.

II

Las ordinaziuns qua sutwart vegnan midadas sco suonda:

...⁶⁵

⁶⁴ [AS 1979 1712, 1985 670 cifra I 1, 1993 7, 1998 1822 art. 26, 2001 979 cifra II]
⁶⁵ Las midadas pon vegnir consultadas en la AS 2003 5047.

